

SCRIPT OF MORNING GOJRI NEWS BULLETIN 6SEP 1015 HRS

مارننگ گو جری نیوز بلیٹن مورخہ 6 ستمبر 2025

یوہ آکاشوانی جموں ہے محمد اکرم تیں خبر سنو۔

FIN MIN

مرکزی وزیر خزانہ نرملا سیتارمن نے کہیو ہے کہ نووں جی ایس ٹی نظام شہریاں گی کھیت نانہ بہتر بناوے گو تے اس نال سرمایہ گا اخراجات ور کوئی اثر نہیں ہے گو نجی نیوز جینل نال گل بات کرتاواں محترمہ سیتارمن نے کہیو کہ تمام سامان تے خدمات وچوں 99 فی صد ور یا تے صضرا پانچ یا 18 فی صد گی بریکٹ ہے وزیر نے کہیو کہ پیٹرولیم تے الکوبول گی مصنوعات جی ایس ٹی تیں باہر ویں غی انہاں نے کہیو کہ حکومت 50 فی صد امریکی محصولات نال متاثر ہون آلی برآمد کندگان گی مدد واسطے اقدامات ور کم کر رہی ہے اس دوران آکاشوانی نیوز نال ایک انٹر ویو مانہ مرکزی بورڈ برائے بالواسطہ ٹیکس تے کسٹم گا چنیر پرسن سنجے کمار اگروال نے نیکسٹ جنریشن جی ایس ٹی اصلاحات نانہ جرات مندانہ تے جامع قرار دتو ہے۔

IMCT UDH REASI VISIT

مرکزی حکومت گی طرفوں تعینات ایک بین وزارتی مرکزی ٹیم نے حالیہ قدرتی آفات نال متاثرہ ہون آلاں گا نقصانات گا جائیزہ واسطے ادھمپور ریاس اضلاع گا سیلاب تے بدل توں متاثر علاقوں کو دورو کیو قومی آفات انتظام اتھارٹی گا جوائنٹ سیکرٹری کرنل کیرتی پرتاپ سنگھ گی قیادت مانہ ٹیم نے نقصانات گا جائیزہ واسطے ادھمپور مانہ کئی متاثرہ مقامات جن مانہ ملہار تے تھارڈ شامل ہیں گے نال نال جموں سرینگر قومی شاہراہ گا حصاں کو معائنہ کیو۔ ٹیم نے ریاسی ضلع کو وی دورو کیو تاکہ اُت حالیہ شدید بارش نال ہون آلا نقصانات کو جائیزو لیو جاسکے اس دوران اپن نے کئی متاثر مقامات کو معائنہ کیو جن مانہ ڈومیل کٹڑہ ہائی وے پسی پین نال متاثر بللانی پل تے شانی مندر گے کول پسی گا مقام کو معائنہ کیو دورہ غے دوران ٹیم نے زمینی صورتحال گا جائیزہ گی خاطر مقامی انتظامیہ نال گل بات وی کی۔

DIV COM UDH VISIT

صوبائی کمشنر جموں رامیش کمار نے بحالی گا کماں کو جائیزو لین واسطے جموں سرینگر قومی شاہراہ گا تیجا مقام ور پسی پین نال متاثرہ حصہ کو دورو کیو۔ صوبائی کمشنر نے قومی شاہراہ گا تباہ شدہ حصہ کو معائنہ کیو۔ تے عمل در آمد کرن آلی ایجنسیاں نانہ ہدایت کی کہ وے جلد از جلد اس عمل نانہ مکمل کرن واسطے اضافی امداد تے مشنری نانہ متحرک کریں انہاں ن کم کرن آلی ایجنسیاں غی طرفوں شاہراہ وروں ملبو ہٹایا جان گا کم گو تفصیلی جائیزو لیو اس موقع ور انہاں نے کینٹھگلی مونگری رام نگر بسنٹ گڑھ تے چینی سدھ مہادیو سڑک نانہ ترجی بنیاد ور کم بحال کرن واسطے توجہ مرکوز کرن گو حکم دتو انہاں نے متعلقہ اداراں نانہ ہدایت کی جے وے آمد رفت گی دوبارہ بحالی گی خاطر ملبہ نانہ صبر تو جلد ہٹایا جان نانہ یقینی بناویں۔

DSEJ SCH REOPEN

جموں صوبہ گا تمام سرکاری تے نجی اسکول اج بند ریں غا۔ ڈائریکٹر سکول تعلیم جموں کی طرفوں جاری ایک حکم نامہ مانہ تمام اداراں گا سرپرہاں تے عملہ نانہ ہدایت کی گئی ہے کہ وے 8 ستمبر نانہ ڈیوٹی ور حاضر ویں تے سکولاں کی عمارتاں گو جامع سیکورٹی تے حفاظتی اڈت یقینی بناویں اداراں گا سرپرہاں نانہ مزید ہدایت کی گئی ہے جے وے آف لائن کلاس شروع کرن بارے اسکولاں کی تیاریاں نانہ یقینی بناویں تے 10 ستمبر تیں آف لائن کلاس کی شروعات گا حوالہ سنگ مناسب فیصلو لیں۔

JKBOSE REVISED DATESHEET

جموں کشمیر تعلیم بارے بورڈ نے 10 ویں تے 11 ویں کلاساں گا سالانہ امتحان تے سال مانہ دوبارہ ہون آلا امتحان 2025 جاری امتحانات واسطے نظر ثانی شدہ ڈیٹ شیٹ جاری کی ہیں جموں کشمیر گا کئی علاقان انہ خراب موسمی حالات سیلاب جیسا حالات گا نتیجہ مانہ طلباء تے اساتذہ کی حفاظت نانہ یقینی بنان واسطے بکھ بکھ پرچہ ملتوی کرنا پیا تھا تے ہن موسم مانہ بہتری نانہ دیکھتا وان نظر ثانی شدہ ڈیٹ شیٹ جاری کردتی جے گی۔ تے یاہ ڈیٹ شیٹ جے کے بوس کی ویب ور دستیاب وے گی۔ www.jkbose.nic.in سائیٹ

HIGHWAY STATUS

جموں سرینگر قومی شاہراہ اجیں وی گڈیاں غی آمدرفت واسطے بند ہے یاہ بندش جکھینی ادھمپور تیں سرینگر کی طرف تے اس غا برعکس جکگینی ت بالی نالہ غے درمیان سڑک بند ہون غی وجہ تیں نگروٹہ جموں تیں چینی پتنی ٹاپ دوڈہ رام بن بانہال سرینگر تے برعکس سمت مانہ وی کئی گڈی نانہ جان غی اجازت نہیں وے غی۔ اگر موسم صاف رہیو تے سڑک غی حالت بہتر رہی تاں بی آر او غی اجازت ملن تیں بعد سرینگر سونامرگ گمری سڑک ور ٹریفک ناہ محدود تے قابو مانہ رکھ غے چلن دتو جے غو۔

PTC ANN

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہیڑا ضلع جموں گا بسنیک ویں تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری ہے۔ عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہ بزات خود

آئندہ 14 ستمبر 2025 توڑی دے سکیں۔ اس بارے مزید جانکاری ویب سائٹ
www.newsonair.gov.in-ور دستیاب ہے
